

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社


四庫全書存目叢書

子部
第五冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB72/05

四庫全書存目叢書·子部五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 59.125 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第五冊目次

子部·儒家類

大學衍義通略三十卷

〔明〕王諍輯
中國科學院圖書館藏明嘉靖四十三年雲南刻本

..... 一

大學衍義輯要六卷

〔清〕陳宏謀輯
清華大學圖書館藏清乾隆元年桂林陳氏刻本

..... 三三一

大學衍義補輯要十二卷

〔清〕陳宏謀輯
私藏清道光二十二年寶恕堂刻本

..... 四七三

大學衍義通略三十卷

〔明〕王諱輯

中國科學院圖書館藏明嘉靖四十三年雲

南刻本

附《四庫全書總目·大學衍義

通略三十一卷》提要

重刻大學衍義通略前序

夫剽聖學之緒而謂握奇珍者衆矣然售於用者鮮有宋西山真氏以忠君愛國為心以興起斯文為任其所稱說著之廊廟其大曰大學衍義且曰君天下者之律令格創在焉嗟夫西山深識治體而志在天下國家哉我邱瓊山以西山之心為心者仰

衍義通略

前序

一

明主知春欲效其愚又擴治平之旨為補以獻法以鏡古事則準今庶幾大雅之陳抑亦忠愛之積豈曰虞卿之窮愁乎邇

侍御竹巖王公省方之三月出所嘗著衍義通略讀之乃輟輟兩家間附以楊月湖之論參以獨見之精者意是豈可與拘學曲聞語哉大

公又以二公之心為心而雅意古道
古文者故於是書獨加好而樂輯之
按討編摩不遺餘力往之典謨子史
異同盈縮之辨

今之制度典則損益因革之中與夫匡
主庇民之範砥心礪性之端靡不仍其條
貫而崇其簡要所期帝王清本致治
之道焯明於世以孔氏之言為必可

行義通

前序

二

師如火之必熱水之必寒焉所期二
公獻納之義不托空言大道之要皦
在心目如局之不無鍵網之不無綱
焉斯

公輯通略之志也噫亦約矣國華學
寡師承未聞道未知約也然嘗觀于
鑑矣鑑體無厚而藏不測之形約也
欲鑑者握以照之云爾非反而索之

云也請以是質於說約君子人有食
芹美且不自私况美有鉅於此者乎
二公往矣書在也書所從言非異路
矣道之一也力而行之以致用合而
傳之以廣忠無他食美不敢私也請
以是播於好古君子

嘉靖四十三年春正月望

雲南布政使司右布政使奉新宋國

行義通

前序

三

華撰

貞德秀大學衍義序

臣始讀大學之書見其自格物致知誠意正心脩身齊家至於治國平天下其本末有序其先後有倫蓋嘗撫卷三歎曰為人君者不可以不知大學為人臣者不可以不知大學為人君而不知大學無以清出治之源為人臣而不知大學無以盡正君之法既又考觀在昔帝王之治未有不本之身而達之天下者然後知此書所陳寔百聖傳心之要典而非孔氏之私言也三代而下此學失傳其書雖存樂以傳記目之而已求治者既莫之或考言治者亦不以望其君獨唐韓愈李翱嘗舉其說見於原道復性之篇而立朝論議曾弗之及蓋自秦漢以後尊信此書者惟愈及翱而亦未知其為聖學之淵源治道之根柢也况其它乎臣嘗妄謂大學一書君天下者之律令格例也本之則必治違之則必亂近世大儒朱熹嘗為章句或問以析其義寧皇之初入侍經帷又嘗以此書進講願治之君儻取其書玩而繹之則凡帝王為治之序為學之本洞然於曾次矣臣不佞竊思所以羽翼是書者故剽取經文二百有五字載于是編而先之以堯典皋謨伊訓與思齊之詩家人之卦者見前聖之規模不異乎此也繼之以子思孟子荀况董仲舒楊雄周敦頤之說者見後賢之議論不能外

衍義通略卷

序

一

四

乎此也以上論帝王為治之序堯舜禹湯文武之學純乎此者也商高宗周成王之學庶幾乎此者也漢唐賢君之所謂學已不能無悖乎此矣而漢季元以下數君之學或以技藝或以文辭則甚繆乎此者也以上論帝王為學之本上下數千載間治亂存亡皆繇是出臣故斷然以為君天下之律令格例也雖然人君之學必知其要然後有以爲用力之地蓋明道術辨人材審治體察民情者人君格物致知之要也崇敬畏戒逸欲者誠意正心之要也謹言行正威儀者脩身之要也重妃匹嚴內治定國本教戚屬者齊家之要也四者之道得則治國平天下在其中矣每條之中首以聖賢之

衍義通略卷

序

二

四

謹序

直德秀進大學衍義表

臣德秀言伏準九月十五日尚書省劄子為臣具奏乞投進所撰大學衍義奉聖旨令疾速投進者伏以汗竹雖塵何補聖經之奧食芹欲獻誤蒙天語之溫以十年纂輯之餘欣一旦遭逢之幸臣德秀惶懼惶懼頓首頓首惟大學設八條之教為人君立萬世之程首之以格物致知示窮理乃正心之本推之於齊家治國見脩己為及物之原曾子之傳獨得其宗程氏以來大明厥旨追師儒之繼出有章句之昭垂臣少所服膺晚而知趣謂淵源遠矣竇東魯教人之微言而綱目粲然迺南面臨民之要道曩叨侍從

衍義通略卷

表

三

論思之列適當茲諫蒙蔽之時念將開廣於聰明惟有發揮於經術使吾君之心炳如白日於天下之理洞若秋毫雖共兇難進於堯朝豈隨魅能逃於禹鼎不量菲薄欲效編摩遽罹三至之譴徒結九重之戀既投閒而置散因極意以研精賦畝不忘君每倦倦於報上藩牆皆置筆幾元元以窮年首剴聖賢性命道德之言旁采古今治亂安危之迹必提其要皆聚此書凡諸老先生之講明粗加該括於君子小人之情狀尤極形容載瞻海嶽之崇深期效涓埃之裨補茲蓋恭遇皇帝陛下乾旋坤轉日就月將於緝熙殫厥心基命適隆於成后念終始典于學遜志克邁於

商宗方將切磋琢磨而篤於自脩定靜安慮而進於能得事欲明於本末理期貫於精粗摘粹成編冒濫清燕止其所止願益加止善之功新以又新更推作新民之化臣干冒天威無任激切屏營之至臣所撰列大學衍義四十三卷并目錄共成二十三帙用黃羅夾襯封全謹隨表上進以聞臣德秀惶懼惶懼頓首頓首謹言

衍義通略卷

表

四

大學衍義補序

臣惟大學一書儒者全體大用之學也。原於一人之心。該太萬事之理。而關係乎億兆人民之生。其本在乎身也。其則在乎家也。其功用極於天下之大也。聖人立之以爲教。人石本之以爲治。士子業之以爲學。而用以輔君。是蓋六經之總要。萬世之大典。二帝三王以來。傳心經世之遺法也。孔子承帝王之傳。以開百世儒教之宗。其所以立教垂世之道。爲文二百有五言。凡夫上下古今。百千萬年。所以爲學爲教爲治之道。皆不外乎是。曾子親受其教。既總述其言。又分釋其義。以爲大學一篇。

行表題略

座

五

漢儒雜之禮記中。至宋河南程顥兄弟始表章之。新安朱熹爲之章句。或問建安真德秀又劉取經傳子史之言。以填實之。各因其言以推廣其義。名曰大學衍義。獻之時君。以端出治之本。以立爲治之則。將以垂之後世。以爲君天下者之律令格式也。然其所衍者。止於格物致知誠意正心脩身齊家。蓋即人君所切近者而言。欲其舉此而措之於國天下耳。臣竊以謂儒者之學。有體有用。體雖本乎一理。用則散於萬事。要必析之極其精而不亂。然後合之盡其大。而無餘。是以大學之教。既畢其綱領之大。復列其條目之詳。而其條目之中。又各有

行義題略

卷二

本

條理節目者焉。其序不可亂。其功不可闕。闕其一功。則少其一事。欠其一節。則不足以成其用之大。而體之爲體。亦有所不全矣。然用之所以爲大者。非合衆小。又豈能以成之哉。是知大也者。小之積也。譬則網焉。網固不止乎一目。然一目或解。則網有不張。譬則室焉。室固不止乎一椽。然一椽或虧。則室有不具。此臣所以不揆愚陋。竊效真氏所衍之義。而於齊家之下。又補以治國平天下之要也。其爲目。凡十有二。曰正朝廷。其目曰正百官。其目曰固邦本。其目曰制國用。其目曰明禮樂。其目曰秩祭祀。其目曰崇教化。其目曰備規制。其目曰慎刑憲。其目曰嚴武備。其目曰馭夷狄。其目曰成功化。其目曰先其本而後末。由乎內以及外。而終歸於聖神功化之極。所以兼本末合內外以成夫全體大用之極功也。真氏前書本之身家。以達之天下。臣爲此編。則又將以致天治平之效。以收夫格致誠正脩齊之功。因其所餘而推廣之。補其略以成其全。故題其書曰大學衍義補。云非敢並駕先賢。以犯不韙之罪也。臣嘗讀真氏之序。有曰。爲人君者。不可以不知大學。爲人臣者。不可以不知大學。而繼之以爲人君而不知大學。無以清出治之源。爲人臣而不知大學。無以盡正君之

法是蓋就其本體而言爾若即其功用而究竟之君臣所當知者則固有在也與自古昔聖賢爲學之道帝王爲治之序皆必先知而後行知之必明其義行之必舉其要足以欲行其要者必先知其義苟不知其義之所在安能得其要而行之哉故臣之此編如而學之則爲格物致知之方終而行之則爲治國平天下之要

宮闕高深不出殿廷而得以知夫邑里邊鄙之情狀草澤幽遐不履城闔而得以知夫

朝廷官府之政務非獨舉其要資出治者以御世撫民之具亦所以明其義廣正君者以輔世澤民之術暨之醫

行義通略卷

序五

七

書其前編則黃帝之素問越人之難經後編則張仲景金匱之論孫思邈千金之方一方可以療一證隨其方以已其疾惟所用之何如也前書主於理而此則主乎事真氏所述者雖皆前言往事而實專主於啓發當代之君亦猶孔孟告魯衛齊梁之君而因以垂後世之訓臣之此編校之前書文雖不類意則貫通第文兼雅俗事雜儒吏其意蓋主於衆人易曉而今日可行所引之事類多重複所脩之辭不能雅馴弗暇計也臣遠方下士叨官

禁近當

先皇帝在御之日首開

經筵即綴班行之末親親儒臣以真氏之書進講

陛下統德青宮又見宮臣之執經者日以是書進焉臣於是時蓋已有志於是既而出教太學暇日因採六經諸史百氏之言彙輯十年僅成此書用以補真氏之闕也繕寫適完而

陛下嗣登太寶蓋若有待焉者臣學不足以適用文不足以達意偶因所見而妄有所陳區區一得之愚固無足取而倦倦一念之忠僊爲

聖明所不棄焉未必無少補於

行義通略卷

序四

八

初政之萬一臣濬謹序

南京禮部尚書臣楊廉謹

奏為

進呈書籍事臣自入仕以來輒謂程頤有言君德成就在經筵當

孝宗皇帝時待罪言官前後肆本皆以

經筵為言於內貳本皆乞講讀真德秀大學衍義蓋帝王之學不出乎大學而衍義所以填膏乎大學者也此書諸經子史具在非德秀之書是聖賢之書講讀大學衍義即與講讀諸經子史初無以異但取其為類簡要易見端緒耳當時又謂此書全在提撥卷

行義通略卷

奏

九

十

中大意其餘祇用念過以德秀所言即是做定講章昔蘇軾進陸贄奏議謂人臣之納忠如醫者之用藥藥雖進於醫手方多傳於古人若已經效於世間不必皆從於己出凡此之類皆冒昧陳之邇來臣又思得原本篇帙尚多

萬幾之繁恐難周備於是過不自料減參之貳名曰大學衍義節略庶幾用功不為甚勞而得效當更甚速陛下春秋方富有二帝三王之

聖性當傳二帝三王之道統若此書者道統所寓所謂聞而知之與夫得不傳之學於遺經者正在於此臣老

病侵尋恭遇

陛下龍飛嗣位之初既叨乞骸之

留復濫遷官之

寵顧茲朽腐兩被

殊恩豈忍夜惟無所報稱敢辭筆墨之勤願効涓埃之補

竊以大學條目有捌而致知誠意者為當務之急朱熹平生精力盡在太學重此貳者名為兩關臣知

陛下用功有素伏望

聖不自聖

天廷講席

留神聽覽于焉益致其知

奏

十

十一

邃殿深宮注意存省于焉益誠其意則心之正者愈正身

之脩者愈脩而帝王之道統於是乎復傳由

是家齊國治天下平而帝王之治化於是乎復觀若

然則書雖輯成於前代而是有徵於

今日臣雖假手於德秀而獲納忠於

聖明固愚臣之幸亦

世道之幸也臣干瀆

宸嚴無任戰慄願望之至謹以大學衍義節略拜表壹通

隨書投

進為此具本專差辦事官閔金匱捧謹具奏

聞伏候

勅旨

右謹奏

嘉靖元年五月 貳拾 日南京禮部尚書呂楊廉

衍義通略卷

奏

十一

大學衍義通略序

昔者孔子素王，締構六籍，以宣洩性靈，彌綸彝憲，垂之萬世，日用而不墮者也。其徒河汾津涯，陶鑄爐冶，諒言得諸聲教，記牘原于父師，各成篇簡，以昭懿範。則有大學論語中庸孟子七篇焉。文以載道，傳以翼經，固非別為品題，殊其途徑者矣。議者以孟子七篇擬春秋中庸擬易，論語擬詩，而於大學則擬其為書，夫書也者，三帝三王治天下之大經大法也，而以大學擬之，豈非以其根極於典謨，軌則乎疇敘，虞夏渾噩，顯其菁華，殷周盛誥，握其樞要，學括於帝堯峻德之一斑，兼總於四代政事之全體歟。宋儒崇經正緯，程朱則有章句集註，其西山則有衍義，由是大學一書，正言斷斷，庶幾無遺矣。昭代右文，聿興經術。太祖高皇帝嘗命侍臣揭書於殿廷，西歷嘉靖初，經筵以之進講。

皇上親灑御翰，輔臣迭為賡和。

明良喜起，治教雍熙，自可想見。若夫先朝儒臣丘瓊山之衍義，補楊月湖之衍義，節略其於西山之書，或益其不足，而循本以沿流，或損其有餘，而芟繁以舉要，夫固各有當也。顧瓊山之補，懔快浩瀚，披閱寔艱，且與月湖節

衍義通略卷

序

十二

略各為一書。學者不無遺憾。侍御同年竹巖王公蘊藉淵源。夙抱經濟家食。時訂證月湖瓊山二書。合而刻之。題曰大學衍義通略。於是其書完如合璧。精若兼金。宣朗則皎日之懸。率履則周行之示。非獨有裨於月湖瓊山。而於孔門授受經世之旨。追琢組練。其功不在宋儒下也。竊謂竹巖公舊為溧陽。節愛有頌。去思有碑。尸祝有祠。其治效足徵少試矣。今合刻是書。且將入行其所學用。躋

聖治於唐虞三代之盛。則是書也。其殆竹巖公獻言以迪德。訂謀以樹業。為生平建白之左契也歟。是為序。

衍義通略卷

序

十三

嘉靖叁拾玖年庚申島程石樓宋鑒之明書

大學衍義通略義例

一西山衍義及瓊山衍義補二書。意在於啓沃

君上引之當道。故不厭諄復。若韋布之學。則主於考求。故實細繹理義而已。似無俟於竟說也。此通略之所

以成也。

一二書之目。仍存其舊。而卷數從省。西山衍義舊四十卷。今為十卷。瓊山衍義補舊一百六十四卷。今為二十卷。合而刻之。庶幾為全書。

一近時為衍義補輯略者。或止錄瓊山之斷按。方略而古今事變。一切不載。或截取書中粹言。而其發言

衍義通略卷

義例

十四

之由及事之類。未忽焉。使讀者無所考據。而莫覓其味。今所略者。無詞耳。其事變之類。未與言詞之有關係者。量錄之。不敢避卷帙之煩。而漫爾為太簡也。

一詞理隱微者。隨字逐句。為之音釋。其有疑義。則間注數字。或引經傳。或附臆說。以俟正庶。後學者。易於檢閱。而無事旁求也。若淹貫該洽之士。固將囊括羣籍。而奄有之。則焉用此。

嘉靖十八年仲秋之吉。竹巖王諱書于避喧堂下。

大學衍義通略總目

真西山衍義之目

帝王為治之序

帝王為學之本以上第一卷

格物致知之要第二卷至第五卷

明道術 辨人材 審治體 察民情

正心誠意之要第六卷至第七卷

崇敬畏 戒逸欲 審幾微

脩身之要第八卷

謹言行 正威儀

行義通略卷 十五

齊家之要第九卷至第十卷

重妃配 嚴內治 定國本 教威屬

丘瓊山衍義補之目

治國平天下之要第十一卷至三十卷

正朝廷 正百官

固邦本 制國用

明禮樂 秩祭祀

崇教化 備規制

慎刑憲 嚴武備

馭夷狄 成功化

終

大學衍義通略第一帙目錄

第一卷

帝王為治之序

帝王為學之本

堯舜禹湯文武之學

漢高文武宣帝之學

漢魏陳隋教習之學

第二卷 格物致知之要一

明道術其一

天性人心之善

天理人倫之正

兼言五者大倫

通言人子之孝

帝王事親之孝

君臣之道

臣事君之忠

朋友之交

第二卷 格物致知之要二

明道術

五道源流之正

異端學術之差

王道霸術之異

聖賢觀人之法

帝王知人之事

姦臣竊國之術

考之先儒程顥兄弟於大學謂見古人為學之次第先儒朱
熹於大學亦謂若次第節目之詳

本朝侍郎薛瑄於大學亦謂孔門教法只是有序無序使差近
年布衣陳真晟亦謂初讀中庸做存養省察工夫覺無統緒
繼讀大學始知為學次第乃以大學為據蓋存養省察以上
復有格物致知工夫頭一件不可闕者此學者當以大學為
據也然此書不惟真德秀之意拳拳於悟主前此意在講筵
亦惟日講大學而已德秀此書至齊家而止豈非所謂齊家
而下則舉此而措之者乎熹之日講自經文至誠意章而止
豈非致知誠意實為兩關過此則工夫之變易者乎或謂德
秀缺治平審如是則熹并缺脩齊非缺也理固足以該之也
中庸亦體記凡為天下國家有九經曰脩身也尊賢也親親也敬

君也此體記凡為天下國家有九經曰脩身也尊賢也親親也敬

君也此體記凡為天下國家有九經曰脩身也尊賢也親親也敬

衍義通略卷一

為治之序

三

大臣也體羣臣也子庶民也來百工也柔遠人也此謂懷諸侯也
脩身則道立尊賢則不惑親親則諸父昆弟不怨敬大臣則不敗
體羣臣則士之報禮重子庶民則百姓勸來百工則財用足柔遠
人則四方歸之懷諸侯則天下畏之齊明盛服非禮不動所以脩
身也去讒遠色賤貨而貴德所以勸賢也尊其位重其祿同其好
惡所以勸親親也官盛任使所以勸大臣也忠信重祿所以勸士
也時使薄歛所以勸百姓也日省月誥此謂舉綱綱目所以勸百
工也送往迎來嘉善而矜不能所以柔遠人也繼絕世舉廢國治
亂持危朝聘以時厚往而薄來所以懷諸侯也凡為天下國家有
九經所以行之者一也
孟子曰人有恒言皆曰天下國家天下之本在國國之本在家家
之本在身

真德秀曰大學言心而此不言心者蓋誠意正心皆脩身之事
言身則心在其中矣

董仲舒此謂以對策曰為人君者正心以正朝廷正朝廷以
正百官正百官以正萬民正萬民以正四方四方正遠近莫敢不
一於正而亡有邪氣奸其間者也此謂是是以陰陽和而風雨時群生
和而萬民殖

真德秀曰仲舒之論自孟子之後未有及之者蓋朝廷者天下
之本人君者朝廷之本而心者又人君之本也嗚呼可不謹
歟

周敦頤敦頤字茂叔道州營道人宋熙寧元豐間以曰治天下
有本身之謂也治天下有則家之謂也本必端端本誠心而已矣
則必善善則和親而已矣家難而天下易家親而天下疎家人離

衍義通略卷一

為治之序

四

必起於婦人故娶次家人以二女同居而志不同行也此謂家人
也此謂家人也二女同居而志不同行也娶次家人以二女同居而志不同行也
可禪乎吾茲試矣此謂水居也此謂水居也治天下觀于家治家觀
于身而已矣身端心誠之謂也誠心復其不善之動而已矣復
不善之動妄也妄復則無妄矣無妄則誠焉故無妄次復而曰先
王以茂對時育萬物深哉此謂無妄也
真德秀曰敦頤之言與前聖實相符蓋心不誠則私意邪念
紛紜交作欲身之脩得乎親不和則閨門乖戾情意隔絕欲家
之正得乎夫治家之難所以甚於治國者門內尚恩易於擒我
故也世之人固有勉於治外者矣至其處家則或任於妻妾之
私或牽於骨肉之愛鮮克以正自檢者而人君尤甚焉漢高帝
能誅秦滅項而不能割戚姬如意之寵唐太宗能取孤墮攘羣

盜而閨門敦德。顯榮免焉。蓋疎則公道易行。親則私情易溺。此其所以難也。不先其難。未有能其易者。漢唐之君。立本作則。既已如此。何怪其治天下不及三代哉。

帝王為學之本

堯舜禹湯文武之學

大禹謨虞書篇名。此篇命人心性危。道心惟微。惟精惟一。允執厥中。帝曰。來。禹。人心惟危。道心惟微。惟精惟一。允執厥中。

真德秀曰。人心惟危。以下十六字。乃堯舜禹傳授心法。萬世聖學之淵源。人主欲學堯舜。亦學此而已矣。然人心之發。如錘鋒。如得馬。有未易制。故曰惟精。平居性敬。自持。察一念之所從起。知其為聲色臭味。而發則用力克治。不使之滋。知其為仁義禮智而發。則一意持守。不使之變遷。夫如是。則理義當存。而物欲退聽。以之醇醪萬變。無往而非中矣。蓋主於中。則曰道心形諸用。則曰中道。本非二事也。欲學堯舜者。其惟用力於此乎。

行義通略卷一

帝王之學

五

益稷亦虞書篇名。禹曰。都。帝慎乃在位。帝曰。飢。禹曰。安汝止。惟幾惟康。其弼直惟動。不應僕志。帝曰。飢。禹曰。安汝止。惟幾惟康。其弼直惟動。不應僕志。以昭受上帝。天其用命。休。

真德秀曰。禹既以謹之一言戒帝矣。猶謂未盡其義。又為三言以敷析之。安汝止者。謂安其心之所止也。然欲其常安。則有道焉。幾者。念慮萌動之初。康者。治安愉佚之際。幾微之不察。則其怒哀樂有時。而失節治安之不戒。則盤樂怠傲有時。而或肆如是而欲安所止。其可得乎。曰安止。曰幾康者。聖人養心之要法也。心得其養。則能謹乃在位矣。又必輔弼之臣。莫非正直。則內

外交養無時。而不與非惟人應之。天亦應之矣。舜以精一執中告禹。禹復以安止幾康告舜。功用若異。而歸宿實同。欲知舜禹之學者。合而玩之可也。

仲尼之語

仲尼之語。南齊書名。仲尼曰。德日新。萬邦惟懷。志自滿。九族乃離。王德昭大德。建中于民。以義制事。以禮制心。至裕後昆。予聞曰。能自得師者王。謂人莫已若者。仁。好問則裕。自用則小。伊尹作咸有一德。動罔不吉。德二三。動罔不凶。又曰。終始惟一。時乃日新。又曰。德惟一。動罔不吉。德二三。動罔不凶。又曰。終始惟一。時乃日新。又曰。德無常師。主善為師。善無常主。協于克一。

真德秀曰。孟子曰。湯之於伊尹。學焉而後臣之。又曰。湯武身之也。則成湯之聖。蓋由學入。而其所以有一德者。伊尹輔佐之力也。伊尹至此。又舉以告太甲焉。者何。絕而不雜常而不自也。謂也。天下之理。凡出於一者。無有不善。如乍見入井之孺子。而惻隱興焉。此時未有他念之雜。一而善也。纔有知交要譽之心。則不一而非善矣。故若德者。以善為主。而擇善者。又以一為主。太甲悔過。遷善之後。伊尹猶慮其擇善未精。執德不定。而特於他日。故特作一德之書。以告之。而精要莫切於此。數語。呼惟精惟一。舜將遜位。而後以告禹。咸有一德。伊尹將告歸。而後以告太甲。付授丁寧之意如此。為人君者。可不味斯言乎。

行義通略卷一

帝王之學

六

周公作立政。周禮篇名。周文王惟克厥宅心。文王惟克厥宅心。克立茲事。司牧以克俊有德。

真德秀曰。成王即政。姬周公恐其知文王之治法。而未知文王之心法也。故作此書。以立政為名。所陳皆命官用人之事。而必以宅心為先。蓋用人乃立政之本。而宅心又用人之本也。文